

封面1

清稗類鈔

師友類目錄

魏叔子論師友行輩

馮金伯友錢滌山而兼師

汪蛟門倦倦師友

趙秋谷師友在馮氏

王兆符於方氏有師友

成容若有師友

汪默庵有師友

黃崧甫陳凝齋之師友

師儒爲學之師友

丁氏兄弟自相師友

師之類別

諸達

延師關書

三年役於師

高僧願師劉繼莊

頁

鮑蘊生師魏叔

吳漢槎爲師於塞外

揆愷功師查初白

胡大靈不欲受教於惠士奇

汪孺人延女師

汪鈍翁葉星期各有門徒

葉星期門下有詩人

桑弼甫師勞麟書

陳少章師何義門

方雪瓢師何義門

循王師吳煒

洪北江要師恕罪

皇子隆重師傅

尹文端與袁子才師

金纖纖願師袁子才

袁子才有女弟子

張芑堂師丁敬身

仁宗尊師

清稗類鈔

師友類目錄

一一

商務印書館印行

阮文達受門生士宜

一九

魏和公所至交賢豪

二八

李文恭師陶文毅

二〇

魏和公壽李世熊

二八

陳用光不以門生視管異之

二〇

冒青若懷友

二八

王桂仙師侯青甫湯貞懿

二〇

黃珍百交董文友

三〇

陳六舟師董枯匏

二〇

士大夫以復社通聲氣

三〇

程長庚閉門授徒

二二

吳梅村悔負侯朝宗

三〇

李申夫師曾文正

二二

蔡大美喜交游

三一

某侍郎倒拜門

二二

李笠翁交潘愚谿

三一

袁忠節師高劉

二三

吳野人與吳鱗潭爲神交

三一

岑襄勤師李文忠

二四

劉繼莊有講學之友

三二

秦五九師張樵野

二四

宋荔裳好客

三二

李蓮英好爲人師

二四

吳蘭次廣交游

三二

異姓盟爲兄弟

二五

李方山友宋荔裳

三三

以圍拜聯友誼

二六

王文簡交邵潛夫

三三

顧亭林與王山史善

二六

孫豹人交王文簡

三三

傅青主廣交遊

二七

吳賢咸王文簡而訂交

三四

顧景范兄事魏叔子

二七

造訪不作賓主禮

三四

易堂九子

二七

丁野鶴入都訪友

三四

梁仲木交孫宇台

王丹麓廣交游

閔伯宗交友

諸駿男念友傷懷

陳緯雲追念鄒董

石哈生爲宋釋之知己

四明有四友

蕭山有四友

陳繹思交和本初

王山史交李天生

李文定兄事李天生

朱人遠交四方奇士

徐虹亭朱竹垞定交輦下

周青士好客

儲同人有友十二人

成容若與顧梁汾交契

姜西溟哭成容若詩

鄭芷畦廣交游

三五 康熙戊寅京都名人大會

三五 金啓興交劉紹錡善

三五 岳襄勤交怡親王

三六 馬秋玉佩兮好客

三六 揚州鹺商好客

三六 江永交戴震

三七 禾中有四友

三七 劉文清交瑛夢禪

三七 程風衣馬璞臣如舊相識

三八 裴文達下直見客

三八 袁子才廣交

三八 慶似村與袁子才鐵冶亭善

三八 杭堇浦與何耿莫逆

三九 馮三友爲某觀察子友

三九 謝鳴謙與趙汪楊定交

四〇 名流歡迎張熙河

四〇 姚朱王相契

四〇 梁山舟交任禮堂

四一

四二

四二

四二

四三

四三

四三

四三

四四

四四

四四

四五

四六

四六

四六

四七

四七

四八

朱東臣與陳季契

四八

譚復堂與莊中白爲心交

五六

黃仲則交洪稚存

四八

譚復堂引夏蕸卿爲小友

五六

毛大瀛與國泰爲異姓兄弟

四九

黃體芳友何金壽

五七

董小狂友湯貞慤何蕉衫

四九

陳兆甲與扮黃天霸之武生締交

五七

花連布友洪稚存

五〇

金友弼與俞曲園神交

五八

張東甫交四方名宿

五一

王蘭生寡交遊

五八

高爽泉愛交游

五一

王文敏謁客之名刺

五九

蔡木龕愛客若命

五一

俞筱甫友譚復堂

五九

龔定庵交徧海內

五二

丁徐久敬不衰

五九

劉孟塗爲姚石甫好友

五二

徐朱沈廣交遊

六〇

曾文正友莫子偲

五二

林曠谷交名流

六〇

澄園八友十友

五三

汪穉卿好客

六一

林琴南友榮備

五三

譚鑫培交李某

六一

郭午橋交譚復堂

五四

高譚之交誼

五四

譚樊定交於都門

五五

高通孫與陳石遺善

五五

德宗有小友

五五

清稗類鈔

杭縣 徐珂 仲可

師友類

魏叔子論師友行輩

魏叔子以易堂之交。如親兄弟。降及三世。其尊卑有不可班例者。嘗曰。余年近五十。未舉子。而門人之長者。僅少余四五歲以下。門人之子。與通家子。子有舉子者矣。假令吾今卽舉子。而其子且長於吾子。乃令其父以行輩爲後進。非情也。義也。故作師友行輩議。質諸同堂。使後之人有所依據焉。叔子名禧。字冰叔。號裕齋。寧都人。有兄際瑞。字善伯。弟禮。字和公。世稱寧都三魏。

其議曰。師者。師其德。友者。友其義。以德義爲名分。故兄弟子孫行輩。非如族姓姻戚之有一定。可遞推也。古者師友無服。義無一定。故不可以制服。知服之不可制。則知行輩之不可遞推。爲合禮義矣。請言其例。德業之師。以父道事之。師之父。尊其稱曰祖。師之妻。尊其稱曰母。此名之不可殺者也。至所以事之之禮。

則不盡如祖與母也。其父有名德。而妻賢。齒且長。以祖與母事之。可也。不然。則奉以名焉。可已。師之至親。伯叔兄弟。俯然爲子弟。吾不可以雁行也。非名德。宜自居於後進。師之弟。學與齒可雁行。則雁行之矣。曰師伯叔者。俗人之稱也。何也。師之弟。有可以爲吾弟子者。則分非一定也。師之子。以兄弟禮之。常也。然師有以門人爲其子師者。故學與齒相去也遠。而師視其門人如至友。則師之子可事以父執。有初相友而後爲師弟者。有本爲師弟而情義實如朋友者。師之可也。後輩漢昭烈謂後主曰。汝事丞相從事。當如事父。是君臣且然矣。昔者吾以父事吾師楊一水先生。而先生使二子晟晉以父執事余。及其長也。乃爲弟子焉。彭軻菴曰。師之子可以先輩同立乎一師之門。有先輩焉。有後輩焉。其禮不可班也。父與子。師與門人。可共進而師一人。門人之子。於師之子爲後進。常也。學與齒可雁行。則雁行之矣。故曰。師也者。師其德。友也者。友其義。非德非義。苟非名分之必不可移。則不可以遞推。吾友之子。以吾爲父執。不可移者也。故友之孫。視吾子爲前輩。常也。友之子稱父執。曰友伯叔。自稱曰友姪。於同輩以齒序相稱。曰友兄弟。稱父執。曰世伯。

叔自稱曰世姪以世別友者原以世誼相推故也

而齒與學相等。則雁行可也。友之子與吾子。不徒以

通家爲兄弟。而自爲兄弟。其孫與吾子。雖齒學等焉。而雁行不可也。

父自爲兄弟者其子

皆稱友不稱世

友之中。有可以兄視其父而弟視其子者。父友之子亦友之者。古人所

謂羣紀之間也。交親如兄弟者。則不可必。視其所始交。或父其父。或子其子。不可移也。此其大較也。嶺南之東莞。有九姓祠焉。遠祖九人。相厚善爲兄弟。其子

孫世世以行輩敘叔姪。絕婚姻。此賢者之過。然而不易及也。其子孫必賢者也。

否則再世如路人矣。

彭躬菴曰。愚意易堂九人。即不得不。如九姓而子與孫。世次必不容混。即齒學等。不擠也。過此則出入可矣。

父之

友或親爲兄弟。或同齒同學。出入同友善。則皆可以伯叔禮之。今夫伯叔之服。自期至於總。以及同姓。其親疎固有殺也。故父之友。有事之如親伯叔父者。有如從再從以下者。有僅奉之以其名者。天子稱同姓諸侯曰父。異姓曰舅是也。余少於前輩。甚重伯叔之名。或不得已。循其禮焉。而心慚則過也。

馮金伯友錢滌山而兼師

錢芬號滌山。馮金伯敬事之。實友而兼師也。順治丁亥春初。馮阻雪盱眙。北征

不果。憩於虎邱竹亭。旬日聚首。唱酬之餘。錢嘗作畫貽馮。滿紙雲煙。藏弄篋衍。每一展視。則不勝有人琴之感。

汪蛟門惓惓師友

汪蛟門有五客話舊圖。客爲一師四友。讀其序。知其惓惓於師友也。序曰。懋麟自順治末。受知於濟南王公。康熙初。舉鄉試。始通賓客。與海內名賢相結納。乙巳。得交邵陽王公。丁未。得交崑山徐公。己酉。應閣試入京。得交澤州陳公。相與論詩。有合焉。時陳公官侍讀。徐公爲孝廉。王公領縣潛江。而濟南公則由揚州推官遷禮部主客矣。歲庚戌。徐公取上第。入詞館。濟南公歷戶部郎。懋麟在中書。四人者相聚於闕下。惟王公隔江漢。相去三千餘里之外。雖時見其詩。思其人。而遠莫能致也。壬子秋。濟南公典試入蜀。尋以太夫人憂去。明年。徐公覲省去。懋麟遭母憂去。而陳公方朝夕講幄。蒙上知。凜然公輔。不似予輩之憔悴而瀟落也。又三年丙辰。王公自潛江被召。授給事中。余與徐公服滿入京。而王公先以憂去。不得見。惟予四人者。復聚於闕下。暇輒論詩。未幾。徐公與予再以憂

去。越三年己未。予兩人再來。濟南公已改館閣。尋拜祭酒。而陳公久領翰林學士。先數月。以太夫人喪歸里。又不得見。又二年辛酉。王公始來給事門下。陳公繼入。再領翰林。五人者。始聚而不散。回憶二十年來。聚復散。散復聚。中更憂患。情事不殊。若不期而然者。陳公於此有深感焉。於是壬戌七月。相聚於城南山莊。賦詩飲酒相娛樂。命興化禹生貌五人像爲一圖。屬懋麟爲之記。

趙秋谷師友在馮氏

朱竹垞吳天章陳元孝。雖皆折輩行。與趙秋谷交。而秋谷天才駿厲。視儕輩無足當意。獨善德州馮大木廷樞。所師承者。常熟馮定遠班。嘗曰。吾平生師友。皆在馮氏矣。由是名日高。忌者亦日衆。

王兆符於方氏有師友

王崑繩棄家漫遊。其子兆符自天津遷金壇。復從方望溪侍郎苞於白下。崑繩嘗語望溪曰。兆符視子猶父也。吾執友惟子及李剛主。吾使事剛主。曰。兆符於方子之學。未之能竟也。

成容若有師友

成容若爲康熙時名公子。明珠子也。容若有徐健庵查初白姜西溟爲師。朱竹垞高澹人顧梁汾徐電發爲友。名章俊語。價重雞林。不假通志堂經解爲重也。

汪默庵有師友

新安汪燧。字默庵。與高彙旃吳徽仲汪惕若徐齊爲師友。善言易。有讀易質疑二十卷。高寄詩有云。游吳握手皆奇士。還里論心有碩儒。

黃崧甫陳凝齋之師友

廣昌黃崧甫主政永年爲新城陳凝齋大令道之師。而崧甫之友。若寧化雷副憲鉉宣城劉觀察方藹雲南傅中丞爲訢劉司寇吳龍。皆海內賢者。並折節樂與凝齋交。皆以師友之禮事之。凝齋所自取之友。則爲海寧祝沄新建夏之瀚。每聚首。輒相與講習正學。

師儒爲學之師友

國朝師儒之爲學也。皆得力於師友。淵源有自。故能卓然有所成就。仁和譚仲

修大令獻嘗論列之。其言絕學名家大儒通儒經師校讎名家輿地名家小學名家之關於師友者。節錄如下。

絕學 汪容甫有同學劉端臨李孝臣賈稻孫江鄭堂。章實齋有同學邵二雲。龔定庵有同學魏默深。黃春谷有同學焦里堂。春谷之弟子爲王句生梅蘊生。名家 惠定宇有弟子江艮庭余古農。

大儒 顏習齋有弟子李剛主王崑繩劉繼莊。剛主別師爲毛河右。崑繩有同學馬宛斯。

通儒 黃梨洲之私淑爲全謝山。顧亭林之同學爲張稷若。

經師 江慎修。一傳爲戴東原。再傳爲段懋堂金縢之。三傳爲陳碩父。四傳爲戴子高。碩父有同學胡竹村胡墨莊。姚惜抱有弟子管異之陳碩士梅伯言。其師資爲劉海峯姚鼐鵬。張皋文有同學洪稚存孫淵如。

校讎名家 盧召弓有同學孫伯淵畢秋帆。

輿地名家 顧景范有同學顧亭林。

小學名家 段懋堂有誼友徐謝山言說文之學江慎修一傳爲戴東原再傳爲段懋堂言聲韻之學

丁氏兄弟自相師友

錢塘丁松生大令丙以學行著於時蓋得力於其兄竹舟主政申也教以事而喻諸德主政以兄而兼師資友誼實爲晚近所僅見主政有子長爲修甫舍人立誠次爲道甫太守立本大令長子爲和甫舍人立中以同堂昆仲而亦互相切磋自相師友遂皆爲世聞人

師之類別

科舉時代之師類別頗多曰受業師朝夕侍教者也曰問業師偶詣函丈有所請益有所質問者也曰受知師則或爲縣府道試之主試官及其閱卷主任或爲科歲主試之學政或爲優拔主試之學政會考之巡撫或爲鄉會試之主考官房考或爲朝殿考試之閱卷讀卷各大臣或爲書院之山長監院是也有所謂保舉師者則惟仕宦中人有之屬吏受知於上官爲之具疏保薦俾晉升階如

是而小之得以給衣食。大之得以恣貪婪。感激涕零。欲奉之爲父。廁身義子之列而不得。於是加以夫子之稱。謂而尊之曰師。

由斯以觀。弟子之致敬於師。所最竭誠盡禮者。爲保舉之受知師。而考試之師。則次之。平時也。年節也。師及其父母妻妾子女之慶弔各事也。無不有所獻。師惟安然受之而已。若受業問業之師。則皆視如途人。不相聞問。其有通往來饋財物者。則必致身通顯。著聞於時。或可藉爲聲援者也。

此外又有拜門之師。亦廁於受知之列。其實初固不相識也。且不必計其人之言行何如。卽其輩行下於己。年齡少於己。但須爲當代之顯宦。足以爲輿援。利汲引者。卽可丐人介紹。肅衣冠。具財物而往謁之。見必叩首無數。呼之曰老師。而著錄稱弟子矣。

弟子於師之自身稱謂。筆之於書面。皆寫受業二字。至於口頭。則有別。對於受業問業之師。曰學生。對於受知之師。曰門生。蓋以列於門牆也。且受知師大抵爲達官貴人。其公署。其私邸。必有閹人。閹人所居之室曰門房。弟子往謁。必先

至門房。俟閤人通報傳見。乃敢面師。故曰拜門。所贈閤人之金。曰門包。約爲師所得贐敬百分之十。

諳達

皇子六齡入學。遴選八旗武員弓馬滿語嫻熟者數人。更番入衛教授。名曰諳達。體制稍次於師傅。蓋古保氏之遺。皆選東三省人充補。以其弓馬尤精也。

延師關書

延訂賓師之書。曰關書。亦曰關聘。上載所任之事及酬報之數。其實亦契約也。送關書時。必附以聘金。

三年役於師

江浙間。凡學手藝者。必三年而成。成後。役於其師者三年。不取值。故俗語謂之學三年。幫三年。六年之後。任其所往。若師欲留之。必予值矣。

高僧願師劉繼莊

吳中有高僧說法。士人醵金爲聘。從之講華嚴。劉繼莊處士獻廷聞之。與焉。坐

食頃。伏几而齋。僧說罷。處士齋亦罷。明日復往如故。衆竊笑。僧詫曰。客何爲者。呼與語。則大驚。拜伏地曰。公神人也。掖登座。處士夷然而登。不讓。暢衍厥旨。衆大說。僧率衆蒲伏。願爲弟子。處士笑曰。吾正若誤耳。豈爲浮屠學者哉。拂衣去。由是從游者日衆。

鮑夔生師魏叔子

鮑夔生字子韶。歙縣人。幼聰穎。於諸書章句。聞而誦。誦而輒解。嘗遇魏叔子於揚州。談論累日。出語人曰。魏先生真吾師也。遂執業於其門。

吳漢槎爲師於塞外

吳漢槎孝廉兆騫。以科場事遭冤獄。投荒二十四年。垂老賜環。當時人莫不憐其才。悲其遇。而以生入玉門。張爲幸事。然漢槎在寧古塔時。歷任將軍皆延之爲上賓。飛書草檄。縱情詩酒。無異於在內地。蓋其地讀書人少。漢槎至。則官吏子弟。及土人之志在科第者。皆就之執經問業。脩脯豐腴。養生之具。賴以無缺。及歸。乃佗僚無聊。日爲飢驅。且在邊塞久。習其風土。江南溽暑。轉以爲苦。卒以

此致肺疾而終。臨歿時。語其子曰。吾欲與汝射雉白山之麓。釣尺鯉松花江。挈歸供饌。手采庭下籬邊新磨菰。付汝母作羹。以佐晚餐。豈可得耶。味其詞意。若轉不忘塞外之樂也。

揆愷功師查初白

揆敘。字愷功。爲明珠之子。曾受業於查初白。查登第。揆已官掌院學士。面奏查某爲臣業師。請免教習。特旨允之。初白有奉旨免赴教習廳賦呈愷功詩云。第二廳前逐隊過。北扉咫尺接鸞坡。詔恩已免春秋課。館職猶充弟子科。變白果能生黑否。出藍其奈謝青何。回思東閣傳經地。老廁門牆媿自多。

胡大靈不欲受教於惠士奇

胡方。字大靈。新會金竹岡人。僑居南海之鹽步。元和惠士奇督粵學時。嘗訪之。櫟舟至村外。遣吳某至其家。求一見。急揮手曰。學政未蒞事。不可見。不可見。出吳而扃其門。惠再至。索所著書。僅乃得之。惠試竣。仍介吳求見。則假一冠。投刺至。長揖曰。今日齋沐。謝知己。方年邁。無受教地。不能執弟子禮。語畢遂起。